

錢

唐

遺

事

四



錢塘遺事卷九

丙子北狩

祈請使

左相吳堅

天台人

右相賈餘慶

海州人

參政劉岳

重慶人

樞密文天祥

吉州人

參政家鉉翁

眉州人

奉表獻璽納土官

監察御史楊應奎

廬州人

空一格下同

空三格下同

空四格下同

元 劉一清 撰  
清 席世臣 訂

○大宗丞趙若秀臨安人

日記官

○宗丞趙時鎮廬州人閣贊嚴光大紹興人

書狀官

○御帶高州太守徐用禮臨安人

○潮州通判吳慶月臨安人

○惠州通判朱仁舉處州通判沈庚會

○浙東路鈐吳嘉興

掌管禮物官

○通事總管高舉江陵人總管吳順

空四格下同

空七格下同不

後作用

處通判

提舉禮物官

環衛總管潘應時總管吳椿

環衛總管劉玉信揚州人

掌儀官

浙東路鈐詹困帶行官屬五十四員

隨行人從二百四十人扛擡禮物將兵三千人

北朝館伴使

巴伯款延丞相貼差特穆爾萬戶鐵木兒

阿朮元帥貼差焦愈相

祈請使行程記日記官嚴光大錄

分四行

脫以夫二事

# 由牙長行

詔葉堅是督  
誤

德祐丙子二月初九日宣奉大夫左相吳堅自天慶  
 觀方丈出北關門送通議大夫右丞相兼樞密使賈  
 餘慶銀青光祿大夫樞密使謝堂端明殿大學士中  
 奉大夫充祈請使劉岳承議郎守監察御史充奉表  
 納土官楊應奎朝奉郎充奉表納土官趙若秀當登  
 舟時南北朝阿里議事傳巴延丞相命畱吳相登舟  
 泊于北新橋岸下終夜流涕北軍差軍前唆都相公  
 勉諭之此日會文天祥于軍前忠義激烈分辯順逆  
 遂激北朝丞相之怒遂點差堅戰頭目守之  
 初十日樞使謝堂納賂免行遂回是夕泊謝村

十日吳堅分錄  
 封賜三代喜屬中官  
 封賜三代喜屬中官  
 舟同鐵目見萬戶至  
 西寺就泊舟中  
 十日早舟夜泊  
 人滿國濟橋  
 十三日抱州上城  
 三既橫尸滿野

十四日舟次平江府北官宣撫使就閨門接官亭令  
 妓置酒侍吳文二相不赴晚催登舟馬軍三百餘人  
 沿塘護送至無錫縣

十五日舟次無錫是日特穆爾萬戶生日四府俱送

壽儀就三登倉橋上特穆爾舞勸夜泊常州十里鎮

十六日早舟次常州燬餘之屋無路殺死之尸滿河

臭不可聞惟此最多次過奔牛鎮夜泊呂城白骨堆

積如山

十七日早過呂城堰換舟到丹陽縣泊七里廟

十八日行過新豐寺遇一舟有北朝國師劉參政舉

酒勸之次至鎮江府韓蘄王廟前有招討石祖忠招  
討張郎中攜妓樂師豹勸酒迎入府治同特穆爾畱  
客于府治後堂泊舟丹陽館後

十九日府第率眾官渡揚子江入瓜州見阿水平章  
留宴于禿魯萬戶張郎中房子

二十日阿术元帥統諸臣從官同太皇太後續差到  
閣贊吳忠翊督戰孫通直賁手詔帶北朝馬數千往  
揚州至揚子橋砲聲連響繼至城下一砲震天城上  
旗幟雲擁軍船放划車弩密如雨再一砲響陰雲四  
合冷雨大作驟如傾盆勢不可進阿术丞相請回揚

子橋茶飯罷入瓜州

廿一日雨雪大作疾風驟發江濤洶湧不敢發舟再

泊瓜州

廿二日雪霽諸使回鎮江府

廿三日吳閣贊孫通直阿水平章欲命諸司親札勉  
揚州制置李庭芝納降眾從之獨文丞相不書名繼  
而平章先索藁及諸官札成無計可達其地分各有  
軍馬把截時有遊騎出從夜宿舟中

廿四日宴于鎮江府治夜宿舟中

廿五日夜宿舟中

此下兩  
字同

署

州

廿六日巴延夫人自臨安回夜宿舟中

廿七日夜宿舟中

廿八日焦僉省諸使宿鎮江州治

廿九日渡江夜泊舟中至夜文丞相脫去

三月初一日早方知文丞相已脫去閉城三日搜覓不見收從人幹僕竝館伴使千戶及總管等人囚之夜宿舟中

初二日宿于揚子橋圍內乘鋪馬

初三日宿灣頭于午前有揚州都統姜才出戰士氣百倍其鋒不可當乃退

初四日過邵伯鎮徑行一堡子闊六十里北軍屯戍

又有水寨屯軍甚多內有小堡子六十餘所波羅相

公阿里右丞在內宰馬置酒延待諸使忽報揚州軍

馬擁出姜才分陣殺奪交傷不少相持半日及暮波

羅相公以軍馬相距而退至中路遇廬州一卒云淮

西廬州夏貴已于三月初三日投拜見賚降書至阿

木平章處有軍馬數十護送蓋揚州未降故也晚宿

荒屋內路上尸骨如山

初五日過天長縣宿荒草上坐以待旦有尸滿野

初六日渡天長河無舟滿河皆腐尸夜宿荒草

初七日過寶應軍

初八日過招信軍至淮安界忽望見旌旗雲擁砲響震天有數隊人馬出戰矢如雨下乃許文德兵馬親臨軍陣殺傷不少特穆爾萬戶集兵拒守及日晚方退夜遂移屯宿于荒草

初九日過江羅城渡清河口至清河口守渡衆官迎八軍治設宴出城宿舟中

初十日舟離清河口過小清河口七里莊轉河至桃源晚宿舟中

十一日宿舟中

十二日宿遷縣宿有二三十家舟泊野岸

十三日舟行晚宿邳州城外邳州牧離城遠接置酒作會衆官于草廬下夜舟泊圮橋之下卽子房椎擊始皇博浪沙中副車遂逃于此子房進黃石公履卽此橋也自此人皆戴笠衣冠別矣

十四日換舟諸官入邳城去看風俗城壁圮頽民居荒蕪自此經過州縣只如此晚宿野岸

十五日早發潁陰屬徐州界道左有元祐間石麒麟院所立鎮碑是晚徐州府臣攜酒至款諸使夜宿舟中其日乃清明諸使感懷

守府

十六日抵徐州換舟宿野岸

十七日舟行午過留城少泊父老云此是漢高祖封

子房為留侯即此城是也有廟碑記在焉過九里原有

字缺

十八日次沛縣乃魯地也高祖生于豐沛去沛二十

里沛民間宋朝宰相等官至家家門首焚香迎拜申

牌後過雞鳴臺晚次舟河口魚棠縣昔春秋隱公五

年觀魚于棠即此地也

十九日舟行午至谷亭馬頭申時過魯橋有四洞水

流甚急橋畔有四天王之祠晚宿魯橋

二十日易行李上車屬官皆乘鋪馬西牌抵新州夜

宿縣治即濟州也

廿一日車行西過汾陽即郭令公所封之地夜宿于

縣治

廿二日車行午至東平府夜宿嚴相公家

廿三日東平守置酒高會于宣聖廟聖像雄偉殿宇

宏麗去宣聖墓二百里一人云墓有巨木皆三丈圍

夜宿嚴相公府此處風俗甚好商旅輻輳絹帛價極

賤一路經過惟此為最

廿四日車行抵在平縣宿縣治



廿六日車行過合城鎮午過臨城鎮勝果寺有柴世宗廟遺像存焉自東平府去村聚頗繁麥畦桑畝一望不斷晚至高唐平原縣係趙地戰國封平原君處夜宿縣治

廿八日車行至陵州陵州郡守迎諸使宴畢宿州治廿九日易車行陵州西關就渭河登舟午後至林鎮屬河間府有梁山伯祝英臺墓夜宿于岸

三十日早行舟已抵灌縣界東光縣焦僉省置酒宴于縣治夜泊野岸

閏三月初一日舟至長蘆鎮土人云小燕京蓋人煙

輻輳此地產鹽有鹽運司鎮南有浮橋妓樂雜劇宴待諸使未牌舟抵興濟縣西抵青州夜宿舟中

初二日舟行至清河鎮去海不遠夜泊鎮內

初三日舟過清河鎮永濟河時海風大作吹沙走石是夜宿舟中

初四日早抵楊村歇于館驛焦僉省差楊村巡檢下鄉科民戶辦車三十輛夜宿驛內

初五日諸使宴焦僉省于驛中

初六日車行午過武清縣東有蒙古皇帝選命賢才牧民德政碑進士趙崇選撰夜宿州治

初七日車行過王臺鎮四望桑麥青青午過分頭土人云此地甚冷五月方可養蠶麥苗長不滿三寸六月方食麥次抵德仁府此地屬鄆陰縣

初八日拂明諸使率官屬詣德仁府永壽寺啓建太皇壽崇聖節道場退宰執來議勘會國信取禮物已近燕京護送官吏督擡兵級併祇候人各與給犒須議指揮勅護送禮物官徐用禮特與轉行武功大夫帶御器械知高州勅日記官嚴光大特與轉武翼郎陞閣贊添差福建路馬步軍副總管福州駐劄勅大通事高舉特與轉武經郎帶營環衛官添差西路副

總管臨安府駐劄勅尚書府都事吳慶用特轉朝奉郎添差通判潮州賜緋勅尚寶省錄事朱仁舉特轉奉議郎差通判惠州事賜緋勅中書省錄事沈庚會特轉奉議郎差通判處州事賜緋勅尚書省令史陳充謙特轉宣敎郎勅樞密院承旨胡禰特轉武功郎添差浙東兵馬鈐轄勅國信所掌儀詹囡轉武功郎浙東路分紹興府駐劄勅專庫龔友諒陸鎮各轉承信郎其直省所劉某鍾應辰沈文亨鍾大有各轉承信郎陳聰姚安國石寶林恢各補進義校尉凡扛擡禮物節級等各有犒賞

初九日甲辰過大興縣至滂村宿是日賈相病  
初十日馬八燕京陽春門諸色妓樂等祇候迎八會  
同館焦參政勸酒館內歇來遠堂賈右相家參政歇  
于穆賓堂右吳劉二相歇于穆賓堂左屬官分歇後  
堂從者分歇前兩廊此館係大金四大王府今改爲  
驛兩廊有八十餘間酒食米菜之類專委斷事官分  
撥輪到各責同知排辦齊整廚子工夫等人分房祇  
直每日委監察御史等官覺問逐一宣問茶飯好歹  
賈相病甚仍宿館內  
十一日樞密院差軍卒數十人守館內賈相病重

十二日夏貴至歇來遠之右隨行帶領將佐三百餘  
人都人聚觀晒之

十三日樞密院差太醫診賈相脈投石膏散疾愈篤  
十四日賈相薨衆官大慟

十五日巳時賈相自會同館後門出殯諸官出麗正  
門燕京大興總管府排辦神道綵亭中餘座鼓鈸幡  
蓋之類送至洞神觀側殯焉

十七日諸使祭賈相于洞神觀

十八日特穆爾萬戶宴諸使

十九日諸使同屬官至樞密值雨入麗正門內右首

參張平章陳參政會少保夏貴端明呂師寶都統洪  
模并宰執屬官少保官屬同宴張平章問吳相郊祀  
典禮儀仗制度等事陳參政以丞相所言詳細荅之  
席終而回

二十日諸使點視禮物

廿一日巴延丞相回諸使出接有大旗書天下太平  
四字

廿三日巴延上開平府

廿四日諸使出陽春門迓太后嗣君子五里外起居  
隆國夫人王昭儀新安宮正新定安康安定夫人天

眷福王沂王謝樞密從駕車大小九十三輛大小宮  
使六十餘人張知府濡繼至有緋綠妓樂神鬼清樂  
戴珠翠衣銷金乘馬旌隊鎗刀金鼓等迎接入燕京  
隨駕下車入中堂內垂簾而坐諸使屬官立班兩拜  
後班稍側又兩拜退

廿五日諸使訪謝樞密沂王

廿六日吳丞相劉參政宴謝樞密等官

廿七日禮物官屬食于宴樂園

四月初一日諸率屬官詣會同館起居兩宮

初二日焦僉省來訪諸使

初三日諸使會議祈請事宜

初四日諸使宴焦僉省

初五日諸使訪樞密院陳參政

初六日諸使訪趙同僉

初七日僉省來訪諸使

初八日諸使率屬官詣長壽宮恭賀崇壽聖節本觀見有一真人掌觀宮內道衆八百人

初九日謝樞密沂王宴諸使

初十日中宮訪諸使議赴上都日子

十二日諸使及官屬乘鋪馬出通元門晚抵昌平站

自此以往步步皆沙漠之地省院諸色人點差一甲隨行餘畱燕京

十三日車馬行晚宿榆林站是日過隘口

十四日車行晚宿懷來站

十五日晚宿洪站是日太后嗣君福王沂王謝樞密離燕京亦赴上都

十六日離洪站十里到雲州無城一闕人家至州二十里地名龜門山峭壁對峙有神甚靈晚宿雕巢站十七日車馬行晚宿獨石站自昌平站至獨石站七牆草塵皆是漢兒官人管待名漢兒站

十八日宿牛羣站此去皆草地此乃韃靼家官人管待名韃靼站竝無房子只是氊帳韃靼人多吃馬牛乳羊酪少吃飯飢則食肉路中每十里一急遞鋪九州自此通路去

十九日晚宿明安站有牀帳無人家

二十日宿涼亭站亦無人家無水可吃取水于十里外只燒馬糞

廿一日宿李三站無人家

廿二日車馬行四十里至上都開平府入昭德門宿城內第三街官房子自燕京至上都八百里一步高

一步井深數十丈水極冷六月結冰五月六月汲起冰六月雹如彈丸大一年四季常有雨雪人家不敢開門牛羊凍死人面耳鼻皆凍裂秋冬雪積可至次年四月方消屋宇矮小多以地窟爲屋每掘地深丈餘上以木條鋪爲面次以茨蓋上仍種麥菜畱竅出火有地屋掘地三四尺四圍土牆此地極冷每年六月皇帝過此避暑冰塊厚者數尺夜瞻星象頗大蓋地勢高故也

廿三至廿七日不許私行不錄

廿八日太后嗣君宮入宮使至昭德門裏官舍安歇

福王子傳制在隆國處安歇謝樞密在房子下夫人  
畱伴燕京會同館沂王以疾不入城

廿九日沂王疾亟

太廟之行

三十日樞密院以月旦日請太后嗣君福王同宰執  
屬官宮人中使竝出西門外草地望北拜太廟

五月初一日早出西門五里外太后嗣君福王隆國

夫人中使作一班在前吳堅謝堂家鉉翁劉昂并屬

官作一班在後北邊設一紫錦憲思卽家廟也廟前

兩拜太后及內人皆膜外福王宰執如常禮又一人

對憲思致語拜兩拜而退

初二日太后嗣君福王隆國夫人中使等天曉盡出

南門十餘里宰執同屬官亦列鋪設金銀玉帛一百

餘卓在草地行宮殿下作初見進貢禮儀行宮殿宇

宏麗金碧焜耀諸妃諸王但升殿捲簾列坐皇帝皇

后共坐雷中諸王列坐兩序太后嗣君福王宰執以

次展敬腰金服紫屬官緋綠各依次序立班作朝甚

肅皇帝云不要改變服色只依宋朝甚好班退陞殿

再兩拜就畱御宴皇帝問吳丞相云汝老矣如何為

丞相領事荅云自陳丞相以下遁去朝廷無人任職

無人肯做故臣為相未久念臣衰老乞歸田里

六月初三日申刻校

錢塘遺事卷九 終

錢塘遺事卷十

元 劉一清 撰

清 席世臣 訂

赴省登科五榮須知

兩觀天顏一榮也臚傳天陛二榮也御宴賜花都人  
嘆美三榮也布衣而入綠袍而出四榮也親老有喜  
足慰倚門之望五榮也

省試

正月二十五日午間鎖院

至晚宣押省試官入院



試前一日省試院引保或不用親臨只貢之書鋪  
書鋪納卷鋪例五千自裝界卷子與之或只二千  
無定價過此無害也

宗子又有一宗文字頗多非四千不可特奏名納  
卷亦三千

二月初一初二初三日引試詩賦人

初五初六初七日引試經義人

別試所則又遲經義場一日乃初六初七初八日  
也

初九初十十一日引試宗室鎖廳應舉人

混經賦為一場

十三十四日引試取應宗子

省試案子不得以方州移動挾書傳義皆所不可

卷中自有第幾幕印子收納士人自書治經鄉貫  
姓名押字于歷上若昏黑歷子收去無可書大有  
利害

御賜給號

試前數日書鋪告報士人請號納卷鋪例五千因鋪家卷子兼得御試須

知一禮部給正奏名進士號次日給特奏名及四川

進士三色宗子號書鋪知委體例二百錢與之索請

# 索奏

號之日士人天未明到書鋪黎明而裊幙入都四字疑有  
 誤書鋪引入尚書宰執據案坐于庭中設卓子及歷  
 外吏部依省榜次第喚姓名而前逐人自書姓名各  
 字于歷記則得號一枚吏使與之號則唱而戒之曰  
 牢收號入殿不得唐突號以白紙半片為之有字數  
 行尚書侍郎郎中偕銜押字及有中官某人監集英  
 殿門試日以其號照入殿門一失其號則不得入矣

丹墀對策

廷試之日士人由和寧門入徐行執號樂衛士收數  
 成行而入至集英殿門外中官展視而收之殿外掛

示

混圖于露天甚甚高良久天大明了然分明知位次士  
 人聚于殿門外待百官常朝畢方引士人進拜列于  
 殿下宰臣進題上覽焉天子臨軒天顏可瞻起居贊  
 曰省元某人以下躬拜再拜又躬身而退各依坐圖  
 行列而坐每位有牌一枚長三尺羃以白紙已書某  
 人某鄉貫或東西廊第幾人不得移動及汗損坐定  
 中官行散御題士人皆以御題錄于卷頭草紙上以  
 黃紗袋子垂繫于項上若有損污謂之不恭納卷所  
 不受散題後駕已興入內進膳賜食于士子太學饅  
 頭一枚羊肉泡飯一盞食畢不見賜謝恩或要登東

不見

作旋則抱牌捲卷子而往衛士相引而去亦不甚遠  
既坐而試不得與鄰座說話中官從官雜處董之宰  
執巡行至申時天子復臨軒納卷子殿廷東廡階下  
之幕中一中官監視收其牌及御題卷子亦不容人  
臨時于納處展視若至昏時則見有傳者云已不在  
黃甲矣士人每出一門必書姓名于門東歷四門皆  
書姓名押字出時無號無人押行亦不待人齊出

夏

擇日唱第

皇帝御集英殿唱名非有他殿只掛集英殿牌子殿  
前特奏唱名則于數日之後先唱名數日書鋪又告

報請號禮部又散號一如廷試給號之禮及得號視  
之乃前日所收之舊號也但于其上用紅印書入集  
英殿試訖中官姓名押小字一行耳仍戒曰牢收號  
入殿不得唐突書鋪告報之人又有所求先支少金  
與之不得開口唱名之日亦由和寧門而入身襴袍  
而足亦穿靴列行舉號數人收號一如廷試之日候  
常朝畢贊者引入廷下再拜皇帝臨軒宰臣進三名  
卷子讀于御案前用牙篋點讀畢宰執立于上前閣  
門立于御案之西向宰執先于御案前拆視姓名則  
曰某人閣門則承之以傳于階下衛士凡六七八人皆

齊其聲傳其名呼之謂臚傳亦謂遶殿雷也凡呼而唱者三四聲士人方從衆中出應衛士夾而翼之問鄉貫父名翼至廷下對玉墀且躬未拜廷上問以鄉貫父名衛士則以對對畢過軒下少去就甲人次其榮在此也非特名登天府三代祖父名達于聖聽矣待一甲畢則往兩廊角取勅黃而執之甲內人齊則廷上呼謝恩士人廷下立躬身再拜而退去于軒下狀元則便獨班謝恩不待甲內齊也自第二名第三名為一班賜食相身為袍各設位賦詩以荅皇恩第四名至第十名終為一班第二甲全甲為一班謝恩

了皆自執勅黃而立勅黃用麻紙兩幅連結大書某人等宜唱某等科第

狀元至第二甲終皆曰宜賜進士及第

第三甲第四甲終皆曰宜賜進士出身

第五甲則曰宜賜同進士出身

敕黃可漏子又長于敕黃一尺唱第二甲盡駕輿入

內進膳須臾賜進士食三品赤焦肉餅二枚天花餅

二枚只是素餅羊肉飯一盃并羊羹飯肉有湯粉皆三品併至上方起衛

士已將下三甲名字來排當士人兩衛士管一紙一

紙書十五人名字皆先自喚集排當資次仍問鄉貫

父名審畢候上復出殿上一呼某人則衛士已夾其  
人而進于前駢貫而進亦俟一甲齊方拜謝恩授黃  
敕有恩例陞甲人則當殿上宣示上旨某人有某恩  
合陞一甲末所以方走唱名之人雖有恩例亦不可  
自陞甲蓋陞甲人面授出旨當殿謝恩故也若無陞  
甲恩之人不入赴唱名傳者曰待二年外方許到却  
唱至第五甲上亦入少憩頃之傳出唱第五甲畢士  
人皆執敕黃再拜殿上傳曰賜進士袍笏袍笏積于  
殿外之兩廡下士人出殿門于上廊爭取之往往皆  
不暇脫白襪而便就加綠袍于其上其所賜淡黃絹

衫一領袖如綠袍之寬大淡黃帶子一條綠羅公服一領笏

一面士人披衫繫帶未畢則殿上催謝恩謝恩罷拜  
而出紫綠相間璀璨可觀紫袍牙笏以取左宗子拜  
所賜也擁而趨出門頭亦不待書名字蓋前日秀才  
今日官人五榮之中此屬其最唱名時不可一聞姓  
名遽然而出尤加詳緩之爲佳唱第旣出至大門外  
人備車馬以須其出者十有五六若自有車馬雖不  
用支散然羣不逞隨之呵殿元者數十爲隊所費亦  
不貲不若只行出內門前茶殿中待其人疏灑行歸  
耳狀元榜眼探花須皆與上馬蓋臨安自備馬以待

之也

### 置狀元局

狀元一出都人爭看如麻第二第三名亦呼狀元是日迎出便入局局以別試所爲之謂之三狀元局中謂之期集所大魁入局便差局中職事一一由狀元點差牒請糾彈牋表小錄掌儀客司計掌器掌酒果監門多者至五六十員少者亦不下四十員視事官送牒例皆二十初第人多喜入局得陪侍三狀元與諸同年款密他日仕途相遇便爲傾蓋常例五日一會食否則日中有酒杯點心果子二色局中職事官

雖多入局而食者常半之食罷出入無妨三狀元常宿于局中不可出宿于外月餘而罷局凡預局中執職事官員納小錄題名錢非職事官須納錢五千而後得小錄題名一本狀元入局之初依全賜錢一千七百貫及諸公納到助小錄錢亦一千三百貫有奇三狀元入局五日職事官入局局中以職事官名申臺部十日後正謝

正謝日係太史臺擇日亦謂之門謝禮用牋表皇帝及東宮牋表隔日計會閣門通進表中止用三狀元名銜正特奏同日而謝是日亦由和寧門而

入在常朝殿門外北面天顏贊者引唱躬拜再拜而退門外有立仗馬及衛士等衛士唱喏畢馬退士人方列班而拜拜君之門而已

越二日拜黃甲于貢院

黃甲者由省中降下唱名既畢省中以其所升甲之人附于甲末用黃紙以書之故謂之黃甲是日貢院設香案于庭下狀元引五甲內士人拜香案禮部亦遣官來贊導置黃甲于案中望闕拜畢士人列兩廊四十以上東廊四十以下西廊其日擇一人最年高者上堂大魁拜之年高者答拜又擇

一人最少者上堂拜大魁大魁亦答拜而退吏人以紙筆請各書姓名依黃甲排次各爲鐫于題名石是日謂之叙同年拜黃甲也特奏不得與焉越四五日鄉人之官于朝者爲鄉會以待鄉中之新第者

越三日赴國子監謁謝先聖先師祭前三日狀元點差職事官十四員

監禮官彈壓職事之不恭者

奉禮官跪于先聖先師座前奉幣進之于獻官

太官酌酒以進之于上三獻官

太祝讀祝

分獻官十員分獻于十哲及兩廊賢人一人分獻五位每位皆再拜搢笏興伏拜起皆贊者導之禮畢而班退贊者皆太常寺差來

越三日局中職事官下湖運司做二大舟局中連三狀元凡七八十人分坐于兩舟酒數行借張侯之真珠園散步侯家亦有餽焉其例也薄暮艤舟于玉壺園而竟席

書鋪告示越十日引正奏各黃甲士人射上自按試于講武殿

次日賜聞喜宴于貢院齊而後押宴官率官屬及進士列拜于庭下面闕設香案侍從及貼職官皆與焉凡拜五舞蹈其節有四其十拜也拜訖正奏各坐于東廊特奏各坐于西廊立亦如之小黑卓子坐則青整果子人各四器望果一器望花一朶醯醢列于前初坐先斟酒三行不下食第三酌下鮮鮓一碟第四第五皆有食以配酒五行而中歇人賜宮花四朶簪于幘頭上花以羅帛為之從人下吏皆得賜花又有例賜冰

再坐分與士人又到班庭亭下再拜謝花簪而謝之兼坐帶花又四盃而竟席前筵羊半體七寶頭羹竝皆奇品初坐



則以銀臺盞酌再坐則易以銀卮共九行而飯則粟米爲之畢宴不用謝恩退皆簪花乘馬而歸都人皆避以赴御宴回也

次日局中自用錢作期集所會遵前例也亦七盃正奏各皆預焉亦就貢院爲之

越十日集注

是日天曉袍笏書鋪引入部前數日部中先榜于闕亭書鋪錄示新第人先擇其願授者而書于笏及八部郎中坐庭中以殿榜資次而呼前庭上唱曰某人官人上階揖問曰願授甚處闕對郎中視

簿合受則揖廡下書簿中某人願授某州某官闕而退三狀元皆送闕不具集注告敕一道印紙一軸信符一道門謝關子一道

常例皆賜御寫經書一軸或賜御製詩一首

臨安府鐫碑表

裝賜宴時以分賜士人

此爲席氏校刻四庫全書本其脫文悞字非純核舊抄舉送補正也官書之不足信據如此可謂也予二十年来收得舊日佳本百十種核有舊刻名抄校讐善本棄之不用而反以劣本

著錄者甚且有宋元人著述曾經呈進而提要中并日不存者其處既多其味全憤慨也

錢塘遺事卷十

終

氏不知是齊張氏也

閱

掃葉山房

兩堂何氏連筠翁著述本世皆推焉校讐精善  
予嘗得深飲琴山洪氏家手校底本十餘卷集  
諸本存之勤對字裏行間朱墨將通更屬  
通人學士重為校審一書到手必合數本徑累  
校乃以付梓可謂勤慎不苟矣而予以舊寫本  
校之補脫正訛多至百數十字少亦十數字不  
等其中法氏刻書最多誤亦較甚夫此海刻  
猶且如此其他經卒送事者益可想矣故先舉  
賄書凡為繫書抄各人校不能踐編賸卷  
不惜重價購之簿如所目實遺珠玉者蓋  
深知私刻之不足據也然非深于校讐目錄  
之學者不足語此蓋書本手校兩本對讐日  
有至末字詳誌優劣易辨也至治法



書